

金石古文



編主五雲王

編初成集書叢

文 古 石 金

中華民國二十五年十二月初版

輯 者

楊

慎

發行人

王

上海河南路
雲

五

印刷所

商

上海河南路
務印書館

發行所

商

上海及各埠
務印書館

金石古文叙

西蜀楊子勇精載籍窮索蟲
奧所著凡鉛餘鈕古文韻語
韻林原訓及所選采樂府律
祖諸篇踵躋增華變辭加厲
間多肯賢所塗發茲衷集金

石古文九十四卷歐陽子讀
漢髡鬻頌醴釐關止潮澤旋
朝陽之平滲莫究厥旨楊子
類弘分鮮焯朕可諧豈非負
胥純賦漁用苦力者幾衛泉
孟學摹本塗善予茲巡行也

暇更綴班畫謀諮漢中李守
重刑焉後餘皇猷其能繼神
助聖明嘉靖三十三年仲冬
望日賜進士第率勅巡按陝
監察御史永嘉省菴孫昭書

金石古文卷一

成都 楊 慎 輯 綿州 李調元 校定

倉頡陽虛山丹甲青文石刻

上天垂命皇辟迭王

按河圖玉板云倉頡爲帝南巡登陽虛之山臨于元扈洛汭之水靈龜負書丹甲青文以授之文棰二十八字景刻于陽虛之石室李斯止識八字曰上天垂命皇辟迭王今已不可尋矣慎按爲帝南巡作一句爲音去聲言奉黃帝命而代之南巡也

衡山雲密峯神禹碑

承帝曰嗟翼輔佐卿水處

讀作洲渚

與登鳥獸之門參身

洪流而明發爾興久旅忘家宿岳麓庭智營形折心
罔不辰往求平定華岳泰衡宗疏事哀勞餘伸禋鬱
塞昏徙南瀆衍享衣制食備萬國其寧竄舞永奔

徐靈期衡山記云夏禹導水通瀆刻石書名山
之高酈道元水經注云禹治洪水血馬祭衡山
於是得金簡玉字之書按省玉字通水利也或
曰此卽金簡玉字之文云劉禹錫寄呂衡州化
光詩云傳聞祝融峯上有神禹銘古石琅玕姿

秘文龍虎形崔融云於鑠大禹顯允天德龍畫
傍分螺書匾刻韓退之詩岫嶠山尖神禹碑字
青石赤形模奇又云千搜萬索何處有森森綠
樹猿猱悲蓋亦求之而未得見也宋朱晦翁張
南軒同遊南嶽尋訪不獲其後晦翁著韓文考
異遂謂退之詩爲傳聞之誤蓋以耳目所限爲
斷也王象之輿地紀勝云禹碑在岫嶠峯又傳
在衡山縣雲密峯昔樵人曾一覩之自後無復
可尋宋嘉定中蜀士有好奇者不憚高峻始陟
其所乃濡紙脫其文七十二字刻于夔州觀後

亦磨滅近張季文僉憲在長沙得之云是宋嘉定中何致字子一者模刻于嶽麓書院斯文顯晦信有神物護持哉昔人好古如韓劉朱張求一見而不可得余流辟裔土乃獲坐玩之亦竒且幸矣遂拓刻之安寧州法華山之晚照峯仍建亭曰岫巒亭

廬山紫霄峯石穴中禹刻

鴻荒漾余乃櫓

地輿志江西廬山紫霄下有石室中有禹刻篆文有好事者繼而入摹之凡七十餘字止有鴻

荒漾余乃儻可辨餘不可識慎又觀水經注云
廬山之南有上霄石膏壁緬然與霄漢連接上
霄之南大禹刻石志其里數丈尺今猶得刻石
之號焉又云九江中孤石在落星石傍介立大
湖中周迴一里竦立百丈上生林木而飛禽不
集耆舊相傳昔禹治水至此刻石紀功又云會
稽覆釜山亦有堯碑禹篆十二字福建莆田縣
陳崑山有自然仙篆以紙摹之形類禹刻何翥
詩鳥書蟲文不可識如讀峋嶺神禹碑禹之遺
跡靈秘如此號曰神禹抑有由矣

商鼎銘

嗛嗛之德不足就也不可以矜而祇取憂也嗛嗛之食不足狃也不能爲膏而祇離其咎也

比干墓銅盤銘

右林左泉後岡前道萬世之靈茲焉是寶

金石古文卷一

金石古文卷二

成都 楊慎輯 綿州 李調元校定

周宣王石鼓文

我車旣攻我車旣同我車旣好我馬旣駘君子云獵
云獵云遊麇鹿速速君子之求彎彎肉弓弓茲以時
我驅其時其來猗猗德德貞卽御卽時麇鹿速速其
來大塗我驅其來犢犢射其豚屬

右甲鼓

汧繁泛泛丞彼潮淵鯉鯉處之君子漁之漫漫有鯈
其遊徹徹白魚鱗鱗其蒞底鮮黃白其鰓有鮒有白

其胡孔庶鸞之𩇑𩇑洋洋趨趨其魚惟何惟鱣惟鯉
何以橐之惟楊及柳

右乙鼓

田車孔安鑒勒騁騁六師旣簡左驂翻翻左驂驩驩
我以躋于原我戎止陸宮車其寫秀弓時射麋豕孔
庶麇鹿雉兔其原有連其戎奔奔大車出洛亞獸白
澤我執而勿射多庶遶遶君子乃樂

右丙鼓

帥彼鑾車忽速填如秀弓孔碩彤矢笑笑四馬其寫
六轡沃若徒駢孔庶廓騎宣博酋車載道如徒如章

原隰陰陽超超六馬射之簇簇有驅如虎獸鹿如兕
怡爾多賢迪禽奉雉我兔允異

右丁鼓

我來自東霑雨奔流逆湧盈盈渫隰君子既涉我馬
流汧汧繄洎淒丞士駕言西歸舫舟自廓徒駢連連
惟舟以道或陰或陽極深以戶出于水一方丞徒徨
止其奔我以阻其乃事

右戊鼓

宣猷作原作周導遄我辭攸除帥被阪田莽爲世里
希微穢乃罟漆栗柞械其拔櫓楮庸庸鳴條亞若其

華何爲所旂纛纛水盪導旨樹幽晤

右巳鼓

徒御嘽嘽然而師旅填然會同又繹以左戎障弓矢
孔庶洎洎是熾射夫寫矢具奪舉掌其徒肝來或羣
或友悉率左右燕樂天子來嗣王始振振復古我來
攸止

右庚鼓

彼走驕驕馬庶皙皙華華雉毘位多庶微我師氏憲
文武何其一之

右辛鼓

我水既淨我道既平我行既止嘉樹則里天子永寧
日惟丙申旭日杲果我其旁導乘馬既迎致夏康康
駕彼四黃左驂騁騁右驂騄騄棨戟以奕汝不執德
旛翰黎黎旛旂施施公謂大來余及如茲邑曷不余
及

右王鼓

吳人憐亟朝夕儆惕載西載北勿奄勿伐若而出奇
進獻用特歸格藝祖告于太祝柿嘗受享致其方藝
寓逢中囿孔庶麇鹿原隰既坦疆理曠曠大田不蒐
君子何求有謀有始周爰止于是